

Broj: 06-02-36-29/2018-18
Sarajevo, 12.12.2018. godine

Na osnovu člana 72. stav (3) Zakona o javnim nabavkama („Službeni glasnik BiH”, broj: 39/14), a na prijedlog Komisije za javne nabavke imenovane Rješenjem, broj: 06-02-36-R-8/2018 od 16.10.2018. godine, sekretar Vlade Federacije Bosne i Hercegovine, d o n o s i

O D L U K U

O DODJELI UGOVORA DRUGORANGIRANOM PONUĐAČU ZA JAVNU NABAVKU ROBA – KOMPJUTERSKA OPREMA I KANCELARIJSKE MAŠINE ZA POTREBE GENERALNOG SEKRETARIJATA VLADE FEDERACIJE BOSNE I HERCEGOVINE

I

U postupku javne nabavke: Konkurentski zahtjev za dostavu ponuda za nabavku roba – kompjuterska oprema i kancelarijske mašine za potrebe Generalnog sekretarijata Vlade Federacije Bosne i Hercegovine, ugovor o javnoj nabavci roba dodjeljuje se drugorangiranom ponuđaču **ELUR d.o.o. Kiseljak**, sa ukupnom cijenom ponude bez PDV-a u iznosu od 28.500,00 KM.

II

Ponuda ponuđača iz tačke I ove odluke ocijenjena je prihvatljivom, jer ispunjava sve uvjete postavljene tenderskom dokumentacijom.

III

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

IV

Ova odluka objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

V

Odluka stupa na snagu danom donošenja, a Odluka o izboru najpovoljnijeg ponuđača za javnu nabavku roba – kompjuterska oprema i kancelarijske mašine za potrebe Generalnog sekretarijata Vlade Federacije Bosne i Hercegovine, broj: 06-02-36-29/2018-15 od 03.12.2018. godine, stavlja se van snage i prestaje da važi.

O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 06-02-36-29/2018 od 15.10.2018. godine. Javna nabavka provedena je putem Konkurentskog zahtjeva za dostavu ponuda. Ukupna procijenjena vrijednost nabavke iznosila je 40.000,00 KM bez PDV-a. Obavijest o nabavci broj: 854-7-1-50-3-14/18 poslana je na objavu 18.10.2018. godine, te je istog dana objavljena na portalu Javnih nabavki.

Tendersku dokumentaciju preuzeo je 31 (tridesetjedan) privredni subjekt, a 7 (sedam) ponuđača dostavilo je ponude u predmetnom postupku nabavke. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: TR DOPER-TECH Kiseljak, FRACTAL d.o.o. Žepče, TELNET d.o.o. Sarajevo, DIGITARIJA d.o.o. Sarajevo, REBUS d.o.o. Sarajevo, ELUR d.o.o. Kiseljak i FIXIT d.o.o. Sarajevo.

Komisija za javne nabavke, imenovana Rješenjem, broj: 06-02-36-R-8/2018 od 16.10.2018. godine, izvršila je pregled i ocjenu ponuda, te konstatovala da je, od ukupno 7 (sedam) dostavljenih ponuda, prihvatljivo 5 (pet) i to ponude ponuđača: TELNET d.o.o. Sarajevo, DIGITARIJA d.o.o. Sarajevo, REBUS d.o.o. Sarajevo, ELUR d.o.o. Kiseljak i FIXIT d.o.o. Sarajevo, dok su ponude ponuđača: TR DOPER-TECH Kiseljak i FRACTAL d.o.o. Žepče ocijenjene kao neprihvatljive.

Ponuda ponuđača TR DOPER-TECH Kiseljak odbačena je iz sljedećeg razloga:

U Tenderskoj dokumentaciji, tačka 3.3. Ekonomska i finansijska sposobnost (član 47. stav (1) tačke a) i c) Zakona, kao dokaz za solventnost ponuđača se zahtijevala:

„Potvrda poslovne banke o solventnosti ponuđača, odnosno da u proteklih 12 (dvanaest mjeseci), uključujući i datum objavljivanja Obavještenja o nabavci (18.10.2018. godine), transakcijski račun ponuđača nije bio blokiran.“

Ponuđač TR DOPER-TECH Kiseljak nije dostavio potvrdu poslovne banke o solventnosti ponuđača. Ponuđač je umjesto toga dostavio Izvještaj o računima pravne osobe izdat od strane Centralne banke Bosne i Hercegovine sa danom 12.09.2018. godine.

Ponuda ponuđača FRACTAL d.o.o. Žepče odbačena je iz sljedećeg razloga:

U Tenderskoj dokumentaciji, tačka 3.3. Ekonomska i finansijska sposobnost (član 47. stav (1) tačke a) i c) Zakona, kao dokaz za solventnost ponuđača se zahtijevala:

„Potvrda poslovne banke o solventnosti ponuđača, odnosno da u proteklih 12 (dvanaest mjeseci), uključujući i datum objavljivanja Obavještenja o nabavci (18.10.2018. godine), transakcijski račun ponuđača nije bio blokiran.“

Ponuđač FRACTAL d.o.o. Žepče dostavio je Potvrdu, broj: ZE10-18-9-18-375 od 18.09.2018. godine izdatu od UniCredit Bank d.d. kojom se potvrđuje da ponuđač ima otvoren glavni račun kod Banke koji nije bio blokiran u posljednjih 12 mjeseci. Iz priloženog dokaza ne može se utvrditi da transakcijski račun Ponuđača nije bio blokiran dana 18.10.2018. godine, kada je objavljeno Obavještenje o nabavci. Potvrda ne uključuje datum objavljivanja obavještenja o nabavci.

U skladu sa tačkom V Odluke o pokretanju postupka javne nabavke, broj: 06-02-36-29/2018 od 15.10.2018. godine e-Aukcija održana je dana 27.11.2018. godine.

Nakon provedene e-Aukcije Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-02-36-29/2018-14 od 30.11.2018. godine i preporuku o izboru najpovoljnijeg ponuđača FIXIT d.o.o. Sarajevo, sa registriranim sjedištem u Sarajevu, ID: 4202048930006, za predmetnu nabavku.

U postupku donošenja Odluke o izboru najpovoljnijeg ponuđača za javnu nabavku roba – kompjuterska oprema i kancelarijske mašine za potrebe Generalnog sekretarijata Vlade Federacije Bosne i Hercegovine, broj: 06-02-36-29/2018-15 od 03.12.2018. godine (u daljem tekstu: Odluka o izboru), posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“, broj: 39/14), podzakonskim aktima i Tenderskom dokumentacijom.

U skladu sa članom 45. stav (2) Zakona i tačkom 3.1. Tenderske dokumentacije, broj: 06-02-36-29/2018-1 od 18.10.2018. godine, izabrani ponuđač FIXIT d.o.o. Sarajevo bio je dužan, da u roku od 3 (tri) dana od dana dostavljanja Odluke o izboru, dostavi originale ili ovjerene kopije dokumentacije iz člana 45. stav (2) tačke od a) do d) Zakona.

Ponuđač FIXIT d.o.o. Sarajevo nije u ostavljenom roku dostavio potrebnu dokumentaciju, te je Komisija nakon isteka roka za izjavljivanje žalbe na Odluku o izboru, u skladu sa članom 72. stav (3) tačka a) Zakona, dala preporuku rukovodiocu Ugovornog organa da se ugovor o javnoj nabavci, dodjeli sljedećem ponuđaču sa konačne rang liste ponuđača koji su učestvovali u e-Aukciji.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki ponuđač koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem Ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.



SEKRETAR VLADE

mr. sc. Edita Kalajdžić

Dostaviti:

1. Svim ponuđačima u postupku
2. Komisiji za javne nabavke
3. Sektor za pravne i opće poslove
4. Sektor za materijalno-finansijske poslove